



Inatsisartunut ilaasortamut  
Sofia Geisler  
Inuit Ataqtigiit

15-09-2021  
Suliap nr. 2021 - 12370  
All.suussusaa 17266628

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat (+299) 34  
66 66  
E-mail: iian@nanoq.gl  
www.naalakkersuisut.gl

**Eqqartuussiveqarnermut tunngatillugu § 37 naapertorlugu apeqqutip nr. 075-ip akineqarnera.**

Asasara Sofia Geisler.

Apeqqutinut qjanaq. Apeqqutit tullinnguuttuni uteqqinneqarput, akissutinik tullegarlutik.

**1. Imm. 138 / UKA2019 Inatsisartunit tunuliaqutserneqarpoq, tassalu Naalakkersuisut peqquneqarlutik kinguaassiuutitigut meeqqanik atornerluisoqarsimatillugu pineqaatissiisarnerup sakkortusinissaanik Nunatsinni unnerluussisussaataasut kaammattorneqarnissaat siunertaralugu Naalagaaffeqatigiinnermi oqartussaasut saaffigineqarnissaannik. Suliaq taanna sumut killippa?**

Naalakkersuisut UPA2020-mi ullormi 22. maj immikkoortup 138-p akuersissutigineqarnerata kinguinngua naalagaaffimmi oqartussanut saaffiginnissimapput, tassani Inatsisartut aalajangererat sapinngisamik piaartumik aallartinneqarnissaa qinnutigineqarsimalluni.

Inatsisinik atortitsinermut Ministereqarfik tamanna tunngavigalugu pinerluttulerinermik inatsisip allanngortinnissaanut missingiummik nassiusaqarsimavoq, tamatumalu kingunerissavaa inummut 18-it inorlugit ukiulimmut kinguaassiuutitigut pingitsaaliinerit allatulluunniit kinguaassiuutitigut iliuseqarnerit pillugit pinerluttulerinermik inatsimmi aalajangersakkanik unioqutitsinernut pineqaatissiisarnermut qaffasissutsip qaffanneqarnissaa. Siunnersuutikkut peqatigitillugu Kalaallit Nunaanni meeqqanut inuusuttunullu atugarliortunut pitsaanerusemik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneranni innersuusutaasoq suliarineqassaaq, tamannalu Inatsisartut aalajangiinerat tunngavigalugu pilersinneqarsimavoq.

Naalakkersuisut tamanna tunngavigalugu UKA 2021-mi immikkoortoq 157-imi pinerluttulerinermik inatsisip allanngortinnissaanut siunnersuuteqarput, tassani Inatsisartut aalajangiinerat ilanngunneqarsimalluni.

**2. Imm. 31 / UKA2012 Inatsisartunit tunuliaqutserneqarpoq, tassalu Naalakkersuisut peqquneqarlutik suliassat meeqqanik kinguaassiuutitigut atornerluinermut tunngasut pisoqalisinnaannginnerannik qulakkeerisumik Kalaallit Nunaanni pinerluttaalisitsinermut inatsisimmi § 21-p imaanik**



**allangortitsinissaq siunertaralugu Inatsisunik Atortitsinermut ministeri siunnersuummik saqqummiusseqqullugu qinnuigineqarnissaa pillugu. Suliaq taanna sumut killippa?.**

Inatsisartut aalajangiinerat massakkut pingaarnersiuiernut Naalakkersuisut Inatsisunik atortitsinermut Ministereqarfimmut saqqummiussimasaannut ilaanngilaq. Tamannali anguniarneqartumut Naalakkersuisut siunnersuuteqartumut isumaqatigisaanut isumaqatigiinnginnermik pissuteqanngilaq. Kinguaassiuutitigut atonerlugaasup qaqugukkulluunniit atonerluinerup nalunaaruteqarsinnaanissaata qularnaarnissaa inatsisissatut siunnersuummi siunertaasimavoq. Taamatut siunertaqarneq ullumikkut atuutilereerpoq, matumanimi pisoqalisoorinissamut killissarititamik kalaallit pinerluttulerinermik inatsisaanni soqanngilaq.

§ 21, imm. 1, nr. 2-mi atuarneqarsinnaavoq; inatsisunik unioqquitsinermiit piffissaq ima sivisutigisoq qaangiussimappat inatsimmi matumani immikkoortut pingajuat malillugu pineqaatissiissutinik aallarniissaq tunngavissaqarunnaarsimasutut nalilerneqarluni. Paragrafimi taamaasilluni pisut politiit inatsimmik unioqquitsinermut uppersaaffigisassaata suliarineqarsinnaanngillat. Tassanili imaanngilaq inatsisunik unioqquitsinerit pisimassanngitsut, kisiannili eqqartuussiveqarnitsinni aalajangersimasumik ileqquvoq inatsisunik unioqquitsinerit pisimatillugit inatsisunik unioqquitsinernut taamaallaat pineqaatissiisoqarsinnaanera. Ileqqoq tamanna aalajangiusimaneqarpoq, taamaallillunilu inatsimmik allangortitsinissaq kissaataasoq eqqugaasut inatsisitigut inissisimanerannut allangortitsisusnaanani. Eqqugaasut pisup qanga pisimanera apeqqutaatinnagu pisoq nalunaarutigisinnaavaat. Imaanngilarli eqqartuussummik pineqaatissiisoqassasoq. Taamatut pisoqassappat uppersaanissaq pisariaqarpoq, ukiullu amerlasuut ingerlareersimappata tamanna ajornakusoorsinnaavoq.

Taamatut ajornartorsiuteqartoqarnera ataatsimiititaliap isumaliutissiissutaani 19. november 2012-imeersumi aamma isumaqatigineqarpoq, ilaatigullu makku taaneqarlutik:

*"Sulinermi siunnersuutip akuerineqarnera apeqqutaavallaarnavianngitsoq matuma kingunerisussaavaa. Inatsisunik suliallip suliata immikkut ittut pisoqalisoorinngikkaluarpagilluunniit unnerluussisussaataasup unnerluussinissaminut iliuuseqarsinnaassanngilaq, matumani ukiut inatsisunik unioqquitsinerup pineraniit ingerlareersut inatsisunik unioqquitsinerup pisimanera uppersarneqarsinnaagaluarpalluunniit."*

*"Tassungalu ilaavoq suliata kinguaassiuutitigut atomerluinermut tunngassutillit Kalaallit Nunaanni Politiit pisoqalisoorutut qaqutigut inissittarmatigik Kalaallit Nunaanni Politimesterimit paasissutissiissutigineqarpoq."*

Naggasiullugu ataatsimiititaliamit oqaatigineqarpoq:

*"Ataatsimiititaliamilli maluginiarneqartoq tassaavoq aalajangersagaq taamaattoq meeqqat eqqugaasut inatsisitigut inissisimanerannik nukittunerulernermik kinguneqartussaannngimmat, tassalu periuuserineqartoq pioreersoq eqqarsaatigalugu, soorlu tamanna ataatsimiititaliamit nassuiarneqartoq. Aalajangersakkap taamaattup ilanngunneqamerata unnerluussisussaataasup (eqqartuussiviillu) siunissami meeqqanut eqqugaasunut tunngatillugu pisoqalisooritsinermik takutitsinissaanissaannik ilanngussinerup navianartoqarsinnaanera ataatsimiititaliap peqatigitillugu maluginiarpaa, tassalu siomatigut ileqqorineqartoq malillugu meeqqat eqqugaasut 21-leereerlutik nalunaartunut tunngatillugu."*

Tamanna tunngavigalugu Naalakkersuisut inatsisunik allangortitsinissamut UKA2012-imeersumut kissaataasumut pingaarnersiuisimannngillat. Taamaakkaluortoq Naalakkersuisut isumaqarput siunnersuut Inatsisunik atortitsinermut Ministereqarfimmut saqqummiuttariaqartoq, matumani paasinarsippat



kinguaassiuutitigut atorneerluinerit pillugit suliat amerlanerit piffissamut ingerlareersumut taamaallaat innersuussuteqarluni unitsinneqartassappata.

Akissuteqartoqarnissaanut atugassamik Inatsisunik atortitsinermut Ministereqarfik qinnuigineqarsimavoq meeqqanut kinguaassiuutitigut atorneerluinerit suliat amerlanerit siusinnerusumut sanilliullugu piffissami 2012-2020-mut unitsinneqarsimanersut paasissutissiissutigeqqullugu, tassalu piffissaq atorneerluinerup kingorna ingerlasimasoq innersuussutigalugu.

Inatsisunik atortitsinermut Ministereqarfik imatut akissuteqarpoq:

*"Inatsisunik atortitsinermut Ministereqarfik Rigsadvokatimiit oqaaseqaatinik piniarsimavoq, taannalu imatut paasissutissiivoq:*

*"Rigsadvokati akissuteqarnissaminut oqaaseqaammik atugassamik Kalaallit Nunaanni Politimesterimut piniarsimavoq. Atorneerluisimanerup kinguneraniit piffissaq ingerlasimasoq kisiat innersuussutigalugu piffissami 2012-imiit 2020-mut Kalaallit Nunaanni Politiit unitsitsineranni suliat qassit meeqqanik atorneerluinerimut attuumassuteqarnersut pillugit paasissutissanik Kalaallit Nunaanni Politiit sulianut atortuanni Avannarlermi ujarlernissaq periarfissaqarsimanngitsoq Kalaallit Nunaanni Politimesteri paasissutissiivoq. Tamatumunnga pissutaavoq Avannarleq aqutigalugu paasissutissanik piniarmissaq periarfissaqarsimannginnera, tassanimi suliat pinerluuteqarnerup nalaani pinerluffigineqartup ukiui tunngavigalugit immikkoortiterneqartarmata. Taamaasilluni suliat 1.200-t missaanniittut meeqqat atorneerlunneqarnerannut sulianut tunngassutillit piffissami 2012-2020-mut unitsinneqartut qarasaasiaq atornagu misissuiffigeqqaamagit atorneerluinerup pineraniit piffissaq ingerlasimasoq kisiat innersuussutigalugu piffissami 2012-2020-mut Kalaallit Nunaanni Politiit suliat qassit unitsissimaneraat pillugu suliat amerlassusaannut paasissutissanut takussutissamik suliaqarnissaq periarfissaqarsimanngilaq.*

*Rigsadvokati politimesterimit erseqqissaatigineqartunut isummersinnaavoq."*

Paasissutissiissutigineqartoq tamanna tunngavigalugu ataani atsiortoq danskit inatsisunik atortitsinermut ministerianik ataatsimeeqateqarnissami siunissami suliat atorneerluinerup pineraniit piffissaq pissutigalugu unitsinneqartut amerlassusaannut nalunaarsuisoqartalermissaa pillugu kissaammik saqqummiussaqqarpoq.

Inussiarnersumik inuulluaqqsuillunga

Naaja H. Nathanielsen